

Edition

Dracole^a waida^{a1}

Nach Cristi geburt MCCCCLVI. jar hat der Dracole vill erschrockenliche, wunderliche dinck gethan.

[1/1] Item der alt gubernator² hat den alten Dracol³ lasen dôten. Und der Dracole unnd sein bruder^{b4} haben abgetreten von yrem glauben und haben verheissen^c und geschworen, den cristenlichen^d gelauben zu beschirmen.

[2/2] Item deßselben jars^e ist er gesetzt worden zu einem herren in der Walachey. Zu hant ließ er tôten den Lasla wayda⁵, der daselbs her^f ist gewesen. [3/4] Pald darnach hat er in Sybenbürgen, auch in Wurtzlande⁶, mit namen Beckendorff⁷ lasen verprennen. Auch frawen und man, jung und alt. Etlich hat er mit im heym gefüret in die Walachey an eyseren ketten und da all gespist.

[4/6] Item er hat all junge knaben, die in sein land geschickt sein worden von lernung wegen der sprach, / die hieß er in ein stuben sperren und ließ sy verprennen, der sein vierhundert⁸ geweßen.

[5/5] Item er hat einen friden^h gesetzt. In demselben hat er vil kauffleüt und furleüt auß Wurtzland lassen spissen. [6/7] Er hat auch ein groß geschlecht außreüten lassen und spissen von den minsten piß zu dem maisten, jung und alt.

[7/8] Er hat sein volck etlich nacket lassen eingraben piß zu dem nabell unnd hat zu in lassen schissenⁱ. Er hat auch ettlich lasen praten und schinden.

[8/9] Item er hat den jungen Dan⁸ gefangen und hat im ein grab lassenn^j machen und lassenn besingen nach cristenlicher ordenung und hatt im das haupt abgeschlagen pey dem grab. //

- | | | |
|--|-------------------------|--|
| a) Die geschicht Dracole waide <i>MA</i> . | b) brüder <i>MA</i> . | c) verhaissen <i>MA</i> . |
| d) cristlichen <i>MA</i> . | e) iares <i>MA</i> . | f) herre <i>MA</i> . |
| g) CCCC <i>MA</i> . | | |
| h) fride <i>MA</i> . | i) schießen <i>MA</i> . | j) <i>Im Original</i> grab lassenn <i>PW</i> . |

1) Woiwode.

2) János Hunyadi († 1456).

3) Vlad II. Dracul († 1447).

4) Radu III. cel Frumos († 1475).

5) Vladislav II. († 1456).

6) Burzenland (Țara Bâsei).

7) Wohl Bod (Benndorf/Bringendorf) nördlich von Kronstadt.

8) Dan III. († 1460).